



SULEQATIGIISITSISUT
SAMARBEJDSPARTIET

EM2018/137
Tillie Martinussen
24. oktober 2018

(Inatsisartunut ilaasortaq Nivi Olsen, Demokraatit)

Kingusinnerpaamik UKA 2019-mi Majoriaq pillugu naliliinermik saqqummiusseqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut. Naliliinermi nassuiarneqassaaq innuttaasut ilinniniarnissaannut sulilernissaannullu piareersaasarnissaminut Majoriap siunertani qanoq naammasitigisimaneraa. Naliliinermut ilanngullugu aamma maannamut misilittakkat tunngavigalugit pitsanngorsaanissanut sipaarutissanullu siunnersuutit ilannguteqquneqarput.

(Inatsisartunut ilaasortaq Tillie Martinussen, Suleqatigiissitsisut)

Siunnersuut manna tapersorsorparput kissaatigaluguli nalilersuinerup allineqarnissaa.

Allineqarnissaa kissaatigaarput nalilersuinermi ilannguttussanngorlugu Majoriaq ingerlallualissappat suut aporfionersut.

Aamma kissaatigaarput malitseqartitsilluni nalilersorneqartassasoq inuiaqatigiit aningaasarsionerat eqqarsaatigalugu akilersinnaanerussanersoq suliat allanngortinneqarpata, inuusuttut inersimasullu sulilernissaannut immikkoortut aporfiusartut nukittorsarneqartuuppata.

Takorloorparput aningaasat atorluarneqarnerussagaluartut meeqqat atuarfiani nukittorsaanermut, tarnikkut atukkat tarnillu pissusaanut tunngasut pillugit oqaloqatiginnittarnernut siunertaralugu ilinnialernissamut piginnaanngorsarnerup nalaani ingerlaannartarnissaq anguniarlugu, qarasaasiakkut suliat nalunaarsorneqartarnerisa nukittorsarnissaannut aamma iliuuseqarasuartarnerup nukittorsarnissaanut.

Taamatut oqaaseqarluta manna siunnersuut atasimiititaliamut susassaqtumut innersuupparput qinnutigalugulu qulaani taasarput nalilersuisarnissaq siunnersuummut ilanngunneqassasoq.